

法苑珠林卷第二十

冠十

唐西明寺沙門釋道世撰

致教篇第九

此有七部

述意部

功能部

普敬部

名號部

會通部

敷座部

儀式部

述意部第一

原夫上聖垂慈至人利物意欲導四生於實所運三有於大車師弟異軌而同歸法俗殊途而一致所以立像表真彝訓常俗寄指筌

月出道恒規但以妄著我人惰慢沿流隨業漂淪無思悛革良由封迷累劫不識三尊愚憢頑執罕逢十聖是故命如風燭難可駐留形同石火豈容長久況復五濁交侵四蛇常逼而能安忍翫茲虛幻故使大聖慈悲適化陶誘行中要切無過禮懾行道故龍樹十住論云菩薩晝夜各有三時於此六時禮拜十方諸佛懺悔勸請隨喜迴向菩薩來至阿惟越地依此修行速成不退如念東方善德佛等十方諸佛本願力故若有衆生於先佛所

種諸善根聞是佛名即能信受便得不退菩提之心亦由愚識常聞惡聲今忽聞喚南無佛名忽然驚喜情慮欣泰罪滅福生故經云敬禮此佛能除百萬生死重罪或言能除千劫生死重罪若不依此階級以動凡心則負罪者累劫受殃但聞佛名無不踊躍我有何罪不見真容兩淚滂流一心合掌我有何善聞佛名號欣喜加敬瞻仰聖顏愛戀無厭用此悲慶信根日增如此通情識心無累則於敬禮常加歸命比見道俗聞唱佛名身雖逐

禮心乃外緣中途闕錯都不省悔無信無慚於是乎在或有道俗屏處禮拜或升或沉身心惰慢曾無驚懼不敬之罪於是轉加或有道俗對衆禮拜千僧萬俗高聲唱和急度而禮身不逐拜心不敬思類同點兵但記空名如碓王下勞無多益上來略疏非無斯咎苟求名利不存忠敬依信能入發生智識信既不行能入何寄自下略述五意並依聖教示其真偽請除妄歸真功成究竟也

功能部第二

仰惟大覺之慈至極之聖宿祐嘉運冥感應  
期聞名致敬則勝業肇於須臾憑心想化則

妙果成於曠劫故五十三佛聲益微塵之前  
三千至真光燦恒沙之後二十五佛功利救

苦之厄娑婆七寶不逮一禮之福雖合掌之

因似賒而樹王之報漸及故知禮拜稱讚豈  
虛棄功虔誠呈敬冥益福利故智度論云若  
菩薩未入法位遠離佛法壞諸善根設在煩  
惱自不能度安能度人是故不應遠離諸佛  
譬如嬰兒不離其母行路不離糧食熟時不

離涼風寒時不離煖火度水不離堅船病苦  
不離良醫是故菩薩常不離佛何以故父母  
親友人天王等不能益我度諸苦海唯佛世  
尊令我出苦是故常念不離諸佛也

又藥王藥上經云釋迦牟尼佛告大眾言我

昔無數劫時於妙光佛末法之中出家學道  
冠十  
聞五十三佛名聞已合掌心生歡喜復教他  
人令得聞持他人聞已展轉相教乃至三千  
人此三千人異口同音稱諸佛名一心敬禮  
以是因緣功德力故即得超越無數億劫生

死之罪其初千人者始從華光佛爲首丁至毗舍浮佛於莊嚴劫得成佛道即過去千佛是也此中千佛者始從拘樓孫佛爲首下至樓至佛於賢劫中次第成佛後千佛者始從日光佛爲首下至須彌相佛於星宿劫中當

得成佛現在十方諸佛善德如來等亦得聞是五十三佛名故於十方世界各得成佛若有善男子善女人及餘一切衆生得聞是五十三佛名者是人於百千萬億阿僧祇劫不墮惡道復有人能聞是五十三佛名者生生

之處常得值遇十方諸佛若復有人能至心敬禮五十三佛名者除四重五逆及謗方等經皆悉清淨以是諸佛本誓願故於念念中即得除滅如上諸罪三千佛名在諸佛集劫經千佛中釋迦當第四成佛也

又決定毗尼經云若能至心敬禮三十五佛其人功德無量無邊

又佛名經云若善男子善女人聞此二十五佛名至心受持讀誦恭敬禮拜得離地獄餓鬼畜生三惡道苦得除瞋恚愚癡滅百劫重

罪常生十方淨佛國土設復有人滿三千大  
千世界七寶一百歲中常用布施猶不如誦  
持禮拜二十五佛名功德千分不及一乃至  
五十一  
等數譬喻所不能知何以故以衆生善根微  
薄不得聞此佛名若善男子善女人得聞此

二十五佛者非於一佛十佛所種諸善根是  
人乃於百千萬佛所種諸善根然後乃得聞  
此佛名是人超越四十八劫在前成佛若復  
有人不信此二十五佛名得此功德是人當  
墮阿鼻地獄滿足百劫舍利弗若比丘比丘

尼優婆塞優婆夷欲懺悔諸罪當淨洗浴著  
新淨衣淨治室內敷好高座安置尊像懸二  
十五枚旛種種華香供養誦此二十五佛名  
日夜六時懺悔滿二十五日滅四重八重等  
罪式又摩那沙彌沙彌尼亦復如是

又文殊問經讚佛偈云

我禮一切佛 調御無等雙 丈六真法身  
亦禮於佛塔 生處得道處 法輪涅槃處  
行住坐卧處 一切皆悉禮 諸佛不可思議  
妙法亦如是 能信及果報 亦不可思議

能於此祇夜 讚歎如來者 於千萬億劫

不墮於惡道

又菩薩本行經云正使化無數億計人成辟

支佛有人百歲四事供養功德甚多不如有  
人以歡喜心一四句偈讚歎如來功德無量

卷十

五

又善生經云以四天下寶供養於佛又以重  
心讚歎如來是二福德等無差別又大悲經  
云一稱佛名南無佛者以是善根入涅槃界

不可盡也

述曰既知聖教禮佛功德不可思議是故行

者常須作意不得自惰恐無常忽至瞻禮無  
處譬鼠入角路窮何趣是故經中世尊說偈

云

命如風中燈 不知滅時節 今日復明日  
不覺死輪至 寅冥從業緣 不知生何道

又上生經云若有禮敬彌勒佛者除却百億  
生死之罪乃至來世龍華樹下亦得見佛又  
云我滅度後四衆八部聞名禮拜命終往生  
兜率天中若有男女犯諸禁戒造衆惡業聞  
是菩薩大悲名字五體投地誠心懺悔一切

惡業速得清淨若有歸依彌勒菩薩當知是人得不退轉彌勒成佛見佛光明即得受記又增一阿含經云禮佛有五功德一者端正以見相好二得好聲以見佛時三自稱曰南生尊上故無如來至真等正覺故三多饒財以其華香燈明隨力供養故也四生處高貴以見佛時五生天上以念佛功德爾故又金剛三昧經云若有暫聞佛勝智慧深心隨喜不起誹謗者於百千劫不墮惡道生處值佛乃至念佛身功德無邊心無染著又能右膝著地長跪又手禮故

大乘經思第一義甚深空法一彈指頃除百萬億那由他恒河沙劫生死之罪行此法者真是佛子從諸佛生十方諸佛及諸菩薩爲其和上是名具足菩薩戒者不須羯磨自然成就應受一切人天供養又涅槃經云若於佛法供養一香燈乃至獻一華則生不動國善守佛僧物塗掃佛僧地像塔如母指常生歡喜心亦生不動國此即淨土常嚴不爲三災所動也

又普賢觀經云若有晝夜六時禮十方佛誦

敬惟法身無相應現十方謂四方四維上下

俗儒所說唯據此洲洲外有洲古今未說若依內典通窮無際橫亘十方傍羅異域今佛

教中娑婆忍土百億日月四重圍輪大千世界名一佛土此猶據化佛釋迦如來所王之域故華嚴經云盧舍那佛報身如來所王之土復過是數盡十方界非凡所謀故梵網經偈云

我今盧舍那 方坐蓮華臺 周匝千華上  
復現千釋迦 一華百億國 一國一釋迦

各坐菩提樹 一時成佛道

如經所云千華千佛即以一葉爲一華故一華千葉千佛現世

又如普賢觀經云毗盧遮那如來所王之土遍一切處其佛住處名常寂光據此明住無

卷十

住之住引凡虛心令其敬仰至理而論安有住處如是十方無量世界諸佛如來無時息化過現未來約凡生滅據化而說若依實教聖化恒周功齊法界不可以一域爲局不可以三世限論也今且據釋迦一代現代而述

故權受胎八相成道利益淺機漸通大教乃至父母諸親俗尊上禮如來何況下凡而不虔敬也

又佛說十二佛名神名神呪除障滅罪經云爾時世尊告彌勒菩薩言彌勒東方去此佛刹有十不可說諸佛刹億百千微塵等過爾許諸刹有一佛土名曰解脫主世界彼世界有一佛名曰虛空功德清淨微塵等目端正功德相光明華波頭摩瑠璃光寶體香最上香供養訖種種莊嚴頂髻無量無邊日月光

明願力莊嚴變化莊嚴法界出生無障礙王如來若善男子善女人犯四重五逆誹謗三寶及犯四波羅夷是人罪重假使如閻浮履地變爲微塵一一微塵成於一劫是人有若干劫罪稱是一佛名號禮一拜者悉得減除況復晝夜受持讀誦憶念不忘者是人功德不可思議而彼佛世界中有菩薩名無比無障礙王如來授彼菩薩記當得成佛號曰毫相日月光明燄寶蓮華堅如金剛身如毗盧遮那無障礙眼圓滿十方放光普照一切佛

利相王如來彼東方復有佛名曰一切莊嚴無垢光如來南方有佛名曰辯才瓔珞思念如來西方有佛名曰無垢月相王名稱如來北方有佛名曰華莊嚴作光明如來東南方有佛名曰作燈明如來西南方有佛名曰寶上相名稱如來西北方有佛名曰無畏觀如來東北方有佛名曰無畏無怯毛孔不豎名稱如來下方有佛名曰師子奮迅根如來上方有佛名曰金光威王相如來爾時佛告彌勒若有正信善男子善女人稱此十二諸佛

卷十  
名號之時經於十日當修懺一切諸罪一切衆生所有功德皆隨喜勸請一切諸佛久住於世以諸善根迴向法界是時即得滅一切諸罪得淨一切業障即得具足成就莊嚴一切佛土具足無畏具足身相具足菩薩眷屬圍繞具足無量三昧具足如意佛刹莊嚴行阿耨菩提而得端正可喜果報爾時世尊而說偈言

若有善男子 若有善女人 受持此佛名  
生生世世中 得他人愛敬 光明威力大

生處爲人尊 於後得成佛

又尸迦羅越六向拜經云佛在世時有長者子名尸迦羅越早起洗浴著衣六方各向四拜佛入王舍城來越遙見之佛到家問之何爲六向拜此應何法越言父在時教我不知注十何應佛言父教汝禮不以身拜九越便長跪言願佛爲我解此六意佛言聽之其有長者黠人能持四戒不犯者今世爲人所敬後世生天一不煞生二不偷盜三不愛他人婦女四不妄言兩舌貪恚愚癡不能制此四意者名

爲日暗如月盡時光明稍冥能自制惡意者如月初生其光稍明至十五日盛滿時也佛言東向拜者謂子事父母當有五事一者當念治生二者早起勑令奴婢時作飯食三者不益父母憂惱四者當念父母恩重五者父母疾病當懼求醫療之父母視子亦有五事一者當念令去惡就善二者當教計筭書疏三者當教持經戒四者當與娶婦五者家中所有當給與之南向拜者謂弟子事師當有五事一者當敬難之二者當念其恩三者所

教隨之四者思念不厭五者當從後稱譽之  
師教弟子亦有五事一者當令疾知不忘二者當勝他人弟子三者欲令知已不忘四者有諸疑難悉爲解說五者欲令弟子智慧勝師西向拜者謂婦事夫當有五事一者夫從外來當起迎之二者夫出不在當炊蒸掃除  
待之三者不得有姦心於外夫罵詈之不得還言作色四者當用夫教誡所有什物不得藏匿五者夫若寢息蓋藏乃卧夫視其婦亦有五事一者出入當敬於婦二者衣食以時

與之三者當給與金銀珠璣四者家中所有多少悉用付之五者不得於外耽畜傳御北向拜者謂人視親屬朋友當有五事一者見之作惡私往屏處諫曉呵止之二者小有急事當奔趣救護之三者所有私語不得爲他人說四者當相敬難五者所有好物當多少分與之向地拜者謂丈夫視奴婢使亦有五事一者當以時衣食二者病瘦當呼醫治之三者不得妄撻捶之四者有私財物不得奪之五者分付之物當平等與之奴婢事丈夫卷十

亦有五事一者當早起勿令丈夫呼之二者所當作次用心爲之三者愛惜丈夫物不得棄捐乞人四者丈夫出入當送迎之五者當稱譽丈夫善不得說其惡向天拜者謂人事

沙門道人當用五事一者以善心向之二者

擇好言與語三者以身敬之四者當戀慕之五者沙門道人人中之雄當恭敬承事問度世之法沙門道人當以六意視其凡庶一者教施莫慳二者教之持戒不得自犯三者教之忍辱不得恚怒四者教之精進不得懈慢

五者教之一心不得放意六者教人黠慧不得愚癡如是行之爲汝父在時六向禮拜之教也何憂不富迦羅越聞已即受五戒作禮而去

#### 名號部第四

卷十

夫道與俗反名與實乖得其趣者玄會幽理何以然耶至如俗中祖考不許述其名字若論內典諸佛名號稱揚禮敬獲福無量良以諸佛如來大慈愍物降靈在俗濟度爲先有心希仰無不蒙益或以口稱或以心念或以

身禮三業加敬三毒清涼漸拔有根出於界  
繫有斯大德故稱得福彼流俗者與上相違  
且順一生潛諱而已遠祖後孫非諱所及孔  
門徵在可以鑒諸今依論中諸佛名號標舉  
義類各有勝能故略釋之以例諸名如西云  
釋迦此云能仁豈有一佛非能仁也如西云  
阿彌陀此云無量壽豈有一佛非長壽也如  
東方善德佛乃至下方廣衆德佛豈有一佛  
非善德非廣德也只可題名同異據其功能  
力用齊等但心思佛名號目覩金容敬心殷

禮得福無量故十住毗婆沙論歎佛偈云  
若有人得聞 說是諸佛名 即得無量福  
如爲寶月說 我禮是諸佛 今現在十方  
其有稱名者 即得不退轉

述曰今創發起一切恭敬者一者謂普及爲  
言切者謂盡際爲語恭謂束身翹仰敬謂心  
無異念若不唱此恐心馳散故勤情恭敬正  
觀現前也敬禮常住三寶者如涅槃經云若  
有人聞常住二字是人生生不墮惡趣以法  
身凝然不變故常報身相續不斷故恒化身

作用無休故不變又佛身體一隨義說三故  
釋迦云吾今此身即是法身由是法身所依  
持故如泥木靈像遠有所表敬誠殷禮獲福  
無量輕心毀謗招罪彌殃然後供養嚴持香  
華運心周普作用佛事現前不現前常須普  
薦香華一切衣服飲食音樂等事皆共衆生  
冠十

禮佛者隨禮十方佛二十五佛三十五佛五  
十三佛賢劫千佛萬五千佛等稱名用意具  
如前述懺悔者所有輕重自作教他見作隨  
喜義須披折悔前所犯慚愧慷慨銜悲滿目  
若不蒙誨示則守死長苦具明法用如下懺  
悔篇述勸請者至誠求願諸佛觀諸衆生巨  
細無異望得從願莫捨壽命願住多劫度脫  
衆生隨喜者他人作福心生歡喜也迴向者  
迴諸福德向無上道發願者願是能引行是  
起作若有願無行願則虛若有行無願行則  
火即以爲香山香雲八功德水七淨妙華運  
心作意無不成供乃至華林果樹例准行之

孤由有願故行不孤由有行故願不虛願行  
相扶證果不虛故懺悔罪中亦兼有願願於  
今身償不入惡道受即是通明也自外臨時  
准用可思

會通部第五

卷十

十三

述曰今此所叙威容相狀中邊時俗各有異  
儀隨國行之以敬爲本此乃初心非學不解  
故須委歷用曉未聞久行碩德固非所望然  
中天虔敬震旦不同彼則拜少而遼多此則  
拜多而遼少彼則肉袒露足而爲恭此則巾

履備整而稱敬誠道俗之殊容乃方土之異  
等且自審詳威儀臨時緩急若容與朝覲則  
三業慤懃時序忽切則四支削略斯並行藏  
在要智出不思足使加敬盡衷彼我通意者  
也故出曜經曰有信士威儀有出家威儀有  
大道人威儀有小道人威儀由是善行趣道  
之基故生善處以此文證明知歸信威儀入  
道之始不可隱略故序以命之如俗中周禮  
有九品之拜出自太祝之官斯非內教然禮  
貴從俗故也一曰稽首拜謂臣拜君之拜也

稽訓爲稽計裏  
反 即久稽留停頭至地少久也  
二者頓首拜謂平敵者如諸侯相拜也即以  
頭向下虛搖而不至地也三曰空首拜此君  
答臣下之一拜也即以頭至手所謂拜手也  
四曰振動拜謂敬重之戰慄動變之拜也五  
曰吉拜謂拜而後稽額謂齋縫不杖以下也  
言吉者此般之凶拜也周以其與吉拜頓首  
相近故謂之吉拜即先作稽首拜後作稽額  
額是額也以額觸地無容儀也六曰凶拜謂  
稽額而後頓首拜謂三年服者拜也七曰奇

拜謂先屈一膝即今時所謂雅拜也一說奇  
拜但一拜以答臣下之拜也八曰震拜震謂  
爲報報拜者再拜是也云震拜今時持節之  
拜也即再拜於神與屍也九曰肅拜謂但俯  
下手今時揖者是也亦指婦人拜又肅拜或  
至三也空首第十四奇拜唯一餘則再拜之也上並  
俗禮正文鄭康成依位釋之如此今據內教  
以禮敬爲初大略爲二即身心也佛法以心  
爲其本身爲其末故須菩提靜觀室內如來  
歎爲禮見於法身蓮華色尼初至寶階如來

毀爲拜於佛故知靜處思微念念趣道觀形  
鑒貌新新在俗能所未免相見齊生我倒現  
前即爲障道故佛約此而分身心敬也如能  
即色緣空觀境心造紛紛集趣不無染淨知  
識妄念未可清澄想到空時緣念斯絕今居  
凡地力極制御止得如斯念念自然漸能清

淨常起兩觀不得單行謂知塵無境是漸背  
俗謂知識亦無心是漸向真如此策修長時  
不已分分增明三祇方就也

又大慈經云佛告阿難南無佛者此是決定

諸佛世尊名號音聲故稱言南無諸佛故還  
去有大商主將諸商人爲摩竭大魚欲來吞  
舟由三稱南無佛名並皆免難魚聞佛名以  
善心故捨身後世出家得道何況有人得聞  
佛名聽聞正法親於佛所種諸善根而不必  
定利益

冠十

十五

又十誦律佛語優波離稱和南者是口語若  
曲身者是名心淨若比丘禮時從座起偏袒  
右肩脫革屣右膝著地以兩手接上座足禮  
述曰依經云和南者梵語也或云那謨婆南

等此猶非正依本正云槃淡謗我禮或云歸

禮歸亦我之本情禮是敬之宗致也或云歸

命者義立代於南無也理事符同表情得盡  
俗人重南無而輕敬禮者不委唐梵之交譯  
也況復加以和南諸佛迷之彌復大笑又南  
無者善見論翻爲歸命覺亦云禮大壽又和  
南者出要律儀翻爲恭敬善見論翻爲度我  
准此而言恭敬度我義通凡聖豈和尚偏在  
尊師亦通上聖念救生也故經中來至佛所  
云南無無所著至真等正覺是名口業稱歎

如來德也

敷座部第六

述曰敬尋經律無敷坐具之文但云脫屣禮  
足今據事用理須坐具故四分律云爲護身  
護衣護僧卧具故制畜坐具既爲身衣明知  
須設又坐具之用本是坐時之具所以禮拜  
之中無其敷文故如來將坐如常敷之准此  
比丘自敷而坐不合餘人爲敷今見西僧來  
至佛前禮者必褰裙以膝挂地合掌長跪口  
讚於佛然後頂禮此乃遺風猶在恭相可准

行之今時僧尼至於佛前並令侍者爲敷坐具此蓋憍慢未是致敬之恭又至佛前佇立待席方始禮者此亦不可又在牀上而設禮自此亦不敬如見尊長即須急拜安得覓席卷十如凡君王即須敬禮何得在牀人王凡尊尚恭不高何況法王輒相倫擬雖有餘敬終成惰慢故三千威儀經云不得在座上禮也

十六廷履屨不脫有時上殿則劖履皆捨此古之法非始今儀天竺國中地多濕熱以革爲屣制令著之如見上尊即令脫却自餘寒國隨有履著行事之時脫足爲敬若是白衣多著韃鞋爲恭初入寺內不勞脫足若入佛堂得脫也第二明偏袒者依律云偏露右肩或偏露一肩或偏露一膊所言袒者謂肉袒也示從依學有執作之務俗中袖狹右袂便穩於事是也今諸沙門但出一肩仍有衫襖非袒申極敬儀也如此土羣臣朝謁之儀皆在殿

儀式部第七  
述曰此部別有五儀式第一明脫履者此爲申極敬儀也如此土羣臣朝謁之儀皆在殿

露法如大莊嚴論云沙門釋子者肩黑是也

外道通黑沙門露右故有不同律中但有三  
衣通肩被服如見長老乃偏袒之設以衣遮  
名爲偏袒一何可笑也故知肉袒肩露乃是  
立敬之極然行事之時量前爲袒如在佛前  
及至師僧懺悔禮拜並須依前右袒爲恭若  
至寺外街衢<sup>冠十</sup><sub>十七</sub>路行則須以衣覆肩不得露內  
西國濕熱共行不怪此處寒地人多譏笑故  
五分律云雖是我語於餘方不清淨者不行  
無過也第三明呈恭者故律云當令一心合  
十指爪掌供養釋師子或云又手白佛者皆

是斂容呈恭制心不令馳散然心使難防故  
制掌合而一心也今禮佛者多有指合掌不  
合或有掌合而指開良由心慢而惰散也寧  
開指而合掌不得合指而開掌本欲來求福  
却反招慢過既知一心合掌之儀即須五體  
投地禮之故地持論云當五輪至地而作禮  
也又阿含經云二肘兩膝及頂名爲五輪輪  
謂圓相五處皆圓能令上下迴轉生福轉多  
名爲輪也今有西僧禮拜之時多褰足露膝  
先下至地然後以肘按地兩掌承空示有接

足之相也若前尊跏趺不垂脚坐者隨事而行不勞接足今見禮者二手捺地兩足據後頭不至地亦是乖慢既知五輪著地之儀即須知右膝距跪之相經中多明胡跪距跪蹠跪斯並天竺敬儀不足可怪即是左右兩膝交互跪地有所啓請悔過儀也第四明禮儀者聲論云槃那窯者此云禮也智度論云禮法有三一是口禮謂口云和南是名下禮也二屈膝頭不至地此名中禮是名上禮也三頭頂至地是名下者挹中者跪上者稽首菩薩禮佛有三一者悔過品二者

隨喜迴向品三者請佛品問禮唯身業亦通三業耶答禮通三業五輪至地爲除身業不善稱揚名字歌讚佛德爲除口業不善心常緣念若鏡目前爲除意業不善爲對佛眼故須身禮爲對天耳故須口唱爲對他心故須意念由口業唱故聞慧得成由意業念故思慧得成由身業禮故修慧得成由身業禮故戒學得成由意業念故定學得成由口業唱故慧學得成上來所述且綺互明之若據通門三業之中三學並攝也第五明邪正者源

此禮法於齊代初有西國三藏厥號勒那覩  
此下凡居在邊鄙不閑禮儀情同猴馬悲心  
內溢爲翻七種禮法文雖廣周逐要出之從  
麤至細對麤爲邪對細爲正故階級有七意  
存後三也第一名我慢心禮者謂依次位心  
無恭敬恃尊自德無師仰意恥於下問諮詢  
無所心無法據雖有設拜心馳外境如碓上  
下空無所獲一形所作無境住心輕生薄道  
徒勞無益外觀似恭內增慢惑猶如木人情  
不殷重五輪不具三業馳散是名我慢禮也

第二唱和求名禮者雖非高慢心無淨想粗  
正威儀身心詐恭見人身輕急禮人去身惰  
心疲稍似恭順序有相扶其福薄少非真供  
養良由口唱心散是名唱和禮也第三身心  
恭敬禮者聞唱佛名便念佛身如在目前相  
好具足莊嚴晃耀心相成就感對佛身手摩  
其頂除我罪業是以形心恭敬無有異念供  
養恭敬情無厭足心想現前專注無昧導利  
第十九人天爲上爲最功德雖大猶未是智後多退  
沒是名身心禮也第四發智清淨禮者良由

達佛境界慧心明利深知法界本無有礙由我無始順於凡俗非有有想非礙礙想今達自心虛通無礙故行禮佛隨心現量禮於一佛即禮一切佛一切佛即是一佛以佛法身體用通融故禮一拜遍通法界如是香華種種供養例同於此法僧加敬我亦同然雖三相別性理無殊故三乘名異解脫體同故知一禮則一切禮一切禮則一禮如是三寶既能通達一切三界六道四生同作佛想供養禮拜自淨身心蕩蕩無障念佛境界心心轉

明一拜一起爲尊爲勝即是淨業無窮果報無限是名發智禮也第五遍入法界禮者良由行者想觀自己身心等法從本已來不離法界亦不在諸佛身外亦不在諸佛身內亦不在我外亦不在我內自性平等本無增減今禮一佛即遍通諸佛所有三乘位地無漏我身既遍隨佛亦遍乃至法界空有二境依正兩報莊嚴供具無間行財隨緣遍滿不離法界隨心無礙並薦供養隨喜頂禮如一室中懸百千鏡有人觀鏡鏡皆像現佛身清淨

明逾彼鏡遞相涉入鏡無不照影無不現此  
則攝他爲總入他爲別一身既爾乃至一切  
法界凡聖之身及供養之具皆助隨喜悉同  
供養有目者見無目者不覩如此行學法界  
卷十  
軌門大有利益故地持論有現前供養不現  
前供養不現前供養勝現前供養以難成故  
既知我身在佛身內如何顛倒妄造邪業不  
生愧恥又諸佛德用旣齊名號亦等隨稱何  
名名無不盡如稱一釋迦名禮召一切諸佛  
無不備周如西云釋迦此云能仁宣有一佛

非能仁也西云阿彌陀此云無量壽豈有一  
佛非長壽也西云彌勒此云慈氏豈有一佛  
非慈氏也故智度論云一佛勝能等一切佛  
勝能一切佛勝能等一佛勝能設一切佛不  
化衆生但一佛化生即功歸法界德用遍周  
是名遍入法界禮也第六正觀修誠禮者此  
明自禮自身佛不緣他境他身佛何以故一  
切衆生自有佛性平等本覺隨順法界緣起  
熾然但爲迷故唯敬他身已身佛性妄認爲  
惡縱修此行常爲偏倒若知已身極惡無佛

性者縱敬他身終成無益衆生迷倒雖發微善唯將法界供具供養他身無始已來未曾將一燈一香一禮一餐供養已身佛性若能返照本覺則解脫有期維摩經云如自觀身實相觀佛亦然又云不觀佛不觀法不觀僧以見自身他身平等正法性故已心清淨即<sup>卷十</sup>是自性住佛性隨力修明即是引出佛性三祇果圓即是至得果佛性若據妙達唯局大聖若論下凡雖未頓修不得不解如涉遠道要藉自身欲見佛性要觀己佛法僧亦爾同

體無二是名正觀禮也第七實相平等禮者大意同前前猶存有禮有觀自他兩異今此一禮無自無他凡聖一如體用同融如如平等古今無別若見佛可尊可敬即見凡可卑可慢若起此心還成僻執故般若經云是法平等無有高下是名阿耨菩提以實相離念不可以心取不可以相求不可以禮敬不可以慢惰去高下離尊卑靜亂一原恭怠齊固安心此意是名平等禮也故文殊禮文云不生不滅故敬禮無所觀此之一禮凡夫淺識

恐聞反謗上智之人內行平等外順修敬內  
外合宜是名平等禮也又增一阿含經世尊  
所說偈言

若欲禮佛者 過去及當來 說於現在中  
當觀於空法 若欲禮佛者 過去及當來

現在及諸佛 當計於無我 善業以先禮  
最初無過者 空無解脫佛 此是禮佛義  
若欲禮佛者 當來及過去 當觀空無法  
此名禮佛義

稽首三寶 歸誠十方 謹仰尊敬 益福除殃  
機路異色 慈訪同芳 隱顯相發化 應無疆  
雖生茲土 感赴殊鄉 觀禮欣慶 福祚彌長  
法性無二 縱隔何傷 趨誠一拜 周遍難量

感應緣

略引  
卷十

唐左監門校尉馮翊李山龍以武德中暴亡  
而心上不冷如掌許家人未忍殯斂至七日  
而甦自說云當死時被冥收錄至一官曹廳  
事甚宏壯廣大庭內有囚數千人或枷鎖或  
杻械皆北面立滿庭中吏將山龍至廳下天

官坐高牀侍衛如王者山龍問吏此何官吏曰是王也山龍前至階下王問汝生平作何福業山龍對曰鄉人每設齋講恒施物同之王曰汝身作何善業山龍曰誦法華經兩卷王曰大善可升階既升廳上東北間有一高座如講座者王指座謂山龍曰可升此座誦經山龍奉命至側王即起立曰請法師升座山龍升座訖王乃向之而坐山龍聞經曰妙法蓮華經序品第一王曰請法師止山龍即止下座復立階下顧庭內向囚已盡無一人

在者王謂山龍曰君誦經之福非唯自利乃令庭內衆囚皆以聞經獲免豈不善哉今放若還去山龍拜辭行數十步王復呼還謂吏曰可將此人歷觀諸獄吏即將山龍東行百餘步見一鐵城甚廣大上屋覆其城城傍多有小窓或大如小盆或如盂椀見諸男女從地飛入窓中即不復出山龍怪問吏曰此是大地獄中多有分隔罪計各異此諸人者各隨本業赴獄受罪耳山龍聞之悲懼稱南無佛請吏求出至院門見一大鑊火猛湯沸傍

有二人坐睡山龍問之二人曰我罪報入此  
鑊湯蒙賢者稱南無佛故獄中諸罪人皆得  
一日休息疲睡耳山龍又稱南無佛吏謂山  
龍曰官府數移改今王放君去可白王請抄  
若不爾恐他官不知復追錄君山龍即詣王  
請抄王命紙書一行字付吏曰爲取五道等  
署吏受命將山龍更歷兩曹各廳事侍衛亦  
如此王之遣吏皆取其官署各書一行訖付  
山龍龍持出至門有三人謂山龍曰王放君  
去可不少多乞遺我等山龍未言吏謂山龍

曰王放君不由彼然後三人者是前收錄君  
使一人是繩主當以赤繩縛君者一是棒主  
當以棒擊君頭者一是袋主當以袋吸君氣  
者見君得還故乞物耳山龍惶懼謝三人曰  
愚不識公請至家備物但不知何處送之三  
人曰於水邊若樹下燒之山龍許諾吏送歸  
家見親眷正哭經營殯具山龍入至屍傍即  
蘇後日剪紙作錢帛并酒食自送於水邊燒  
之忽見三人來謝曰蒙君不失信重相贈遺  
媿荷言畢不見山龍自向總持寺主說寺主

傳向臨說

右一驗出  
冥報記

法苑珠林卷第二十

卷十

廿四

音釋

彝延知切常  
具法也切俊改也切  
怯詰叶切且緣切  
金懦也切悛堅溪切  
簷齊津私切慘降切  
縗綿回切碓碓都内  
膊倉下切都都内  
肩私切轔轔也切  
甲轔也切轔轔也切  
各轔也切轔轔也切  
切轔也切轔轔也切  
也轔也切轔轔也切

切 挠一入切  
抉抉也切諮津私切  
訪訪問也切祚祚福故切  
福福也切殯殯必切  
刃刃必切